

# Шочмо эл, порылык да чын верч!

Будь готов!

# Имде лий

2-шо (3546) №,  
2022 ий 14 январь,  
кугарня.



1933 ий 1 февраль годсек лектеш.

0+



## Ош мыжеран полатыште

Марьяна ден Ульяна САМОЙЛОВАМЫТ.  
Кужэгер, Йырмарий.

Ульяна НИКИТИНА.  
Марий Турек, Сардаял.




фотоконкурс  
пурышо паша-  
влак.



У Торьял район Токтарсола школ пеленысе  
йочасадыш кошшо ўдыр-рвезе-влак.

## Кугешнена



Йошкар-Олаште «Рождественские встречи» республикысе конкурс эртаралтын. Ёдыр-рвезе-влак англичан йылме дене мурым йонгалтареныт.

Республикысе 23 школ гыч 98 тунемше усталыкшым терген. Нунын коклаште Морко район Коркатово лицейште 11-ше кадет классыште тунемше Ангелина Гаврилова (снимкыште) лийын. Тудо сенгышыш лектын.

**В.СМИРНОВ** ямдылен.  
Фотом лицейын архивше гыч налме.

## «Визытанлан» куанем!

Мыланем математике урок эн чот келша. У теме-влакым куштылгын умылем. Урок-влак онгайын эртат. Шуко ум пален налына. Тиде предмет дене шукуж годым «визытан» отметкым налам. Тидлан моткоч куанем.

**Иван МОСКВИН.**  
21-ше номеран  
Семёновко школ.

## Сенгымаш



Марий Эл Республикысе «Лудыкшыдымылык школ» мер толкын 2021 ий мучко эртарыме смотр-конкурсым иктешлен. Мер толкын республикыште эн сай лудыкшыдымылык школым ойырен. Кужэнер районысо полка чолгалыкше дене сенгышыш лектын. Параньга районын полкаже кокымшо верым сегоен налын. Марий Турек районысо полка кумшо лийын.

17 январь гыч 6 февраль марте **Увер** Марий Элысе школлаште «Киберакым шымлымаш» теме дене всероссийский «Цифр урок» эртаралтеш. Ёдыр-рвезе-влак Интернетысе лудыкшыдымылык да моло дене палыме лийыт. Тұрыс уверым [urokцифры.рф](http://urokцифры.рф) сайтыште лудса.

## Йомак тўня

Теле – идалыкын юзо пагытше. Уремыште йўштў, лум лумеш. Окнашке ончаламат, шинча ончылнем мотор сўрет коеш. Йырым-йыр – ошо-ошо. Тыге чучеш, пуйто йомакышке логалынам. Чатлама йўштў игечыште урем дене ошкылмо годым йол йымалне лумын кочыртатымыже келша.

**Никита МАКАРОВ.**  
Медведево, Куяр.

## Рошто пайрем

Сотнур храм пеленысе Рушарня школышто Рошто пайремым эртаренна (снимкыште). Туныктышо О.Е.Миловидован вуйлатымыж почеш 2, 6-шо класслаште тунемше йоча-влак Юмын эргын шочмыж нерген почеламутлам сылнын лудыныт.



Мый, Игорь ача, пайрем дене саламленам, поро тыланымашым ойленам. Йоча-влаклан полекым кучыктенна.

**И.САПАЕВ.**  
Волжский район.

Фотом школ архив гыч налме.

## Российысе увер

«Хранители птиц» всероссийский конкурсыш кажне кумылан ег ушнен кертеш. Кормушкым ыштыме нерген мастер-классым инструкций почеш ончыктыман да сочкыллаш верандыман. Тұрыс увер – [ecowiki.ru](http://ecowiki.ru) сайтыште.

7-21 ияш ёдыр-рвезе-влак, «Весна священная» всероссийский конкурсыш ушныза. Йодмашым 1 сентябрь марте колтыза. Тұрыс уверым [ilzeliepa-fund.ru](http://ilzeliepa-fund.ru) сайтыште ончыза.

7-11-ше класслаште тунемше-влакым «Большие вызовы» всероссийский конкурсышко ушнаш ўжит. Научно-технический проектым возыман да 15 февраль марте йодмаш ден пашам [konkurs.sochisirius.ru](http://konkurs.sochisirius.ru) сайтыш колтыман.

## Марий Элысе увер

Йошкар-Оласе Россий Арми тўвыра полат 29 январьыште «Снежная принцесса-2022» йоча моторлык да усталык конкурсым эртара. Тушто 8-12 ияш ёдыр-влак мастарлыкыштым ончыкташ тўнгалыт. Йодмашым 16 январь марте колтыман.

Тунемше-влакын всероссийский олимпиадыштын регионсысо йыжынже 25 февраль марте шуйна. Марий Элысе тўрлў районьышто сенгышыш лекше 9-11-ше класслаште тунемше 600 ёдыр-рвезе 22 предмет дене шинчымашым терга.

13-17 ияш ёдыр-рвезе-влак, «Край родной марийский» республикысе конкурсышко ушныза. Тўвыра да пўртўс поянлык дене кылдалтше шымлыме пашам возыза. Районысо йыжын 25 март марте шуйна. Тұрыс увер – [rv12.ru](http://rv12.ru) сайтыште.



**Массовый  
информаций  
средстве-влакым  
пагалыме**



**пашаеҥышт, издатель  
ден полиграфист-влак!  
Россий печать кече дене  
саламлем!**

Российыште журналист профессий Петр I кугыжан кўштымыж почеш кумшўдō ий утла ончыч шочын. Тудо элыштына «Ведомости» лўман икымше газетым лукташ тўналын.

Журналист пашам ойырен налше-влак кумда шинчаончалтышан, волгыдо уш-акылан да усталык шўлышан лийшаш улыт. Тўрлō теме дене кылдалтше увер-влакым калыкклан жапыштыже намиен шуктат, ятыр еҥын тургыжландарыше йодыштыжлан раш вашмутым пуат.

Марий Элыште икмыняр радио ден телеканал пашам ыштат, шуко газет ден журнал савыкталтыт. Интернет вот полшымо дене увер-влакым шаркалаш йōн уло. Технический базым уэмден толмо дене кўкшō лектышыш шумо. Тидым Марий Элысе журналист-влакын российысе да республикысе конкурслаште сенгымашышт пенгыдемдат.

Пенгыде тазалыкым, пиалым, пашаште сай лектышым да тиражым ешараш тыланем!

**К.А.ИВАНОВ, Марий Эл  
Республикысе тўвыра,  
печать да калык-влакын  
пашашт шотышто министр.**


## Тыршет - сенгымашке шуат

13 январьыште Российыште Печать кечым палемденна. Республикысе журналист-влак Марий Эл Правительствын премийжылан увертарыме конкурсышто усталыкыштым тергенит. Марий Элым Вуйлатыше А.А.Евстифеев сеныше-влакым саламлен. «Шōртнō пера» премийым «Марий Эл» ГТРК-ан корреспондентше **Вера Чистова** сулен. «Йоча да самырык-влакын проблемыштым ончыктымō эн сай паша» номинацийыште «Кугарня» газетын корреспондентше **Надежда Моисеева** ойыртемаптын.

«Ямде лий» газетын – шке сенгымашыже. Йоча прессын «Волшебное слово» VII всероссийский конкурсыштыжо «За преданность делу» таҥасыште сенгышыш лектын.

Мемнан пашаеҥна **Христина Александрова** (снимкыште) Науко да технологий идалыкклан пōлеклалтше республикысе конкурсышто «Науки юношей питают» таҥасыште сеныше лийын. Саламлена!

**Л.ГРИГОРЬЕВА.**



## «Пушкин карте»

Ме, Эсмекплек школышто тунемше-влак, Йошкар-Олашке экскурсий дене миенна. Пушкин карте дене Т.Евсеев лўмеш Национальный тоштерышке пуренна. «Этнографий» экспозиций эн чот келшен.

«Ший Пампалче» марий йомак да калык усталык тоштерыште юзо тўняшке логалмыла чучын. Тўрлō йомакым шарналтенна. Пампалчын порсын лўнгалтышыжым ужына. Марий патыр-влакын вургемыштым чиен онченна. Чылажат онай да пайдале лийын. «Пушкин карте» – ум пален налаш таратыше йōн.

**Арина СЕРГЕЕВА.**

Звенигово район.

**Увер**

### Акростих

«Ямде лий» – ушан йолташ.  
Моторын туныкта возаш.  
Дима, Костя возкалат,  
Ева, Катя ешарат.  
Лудына эре пырля.  
Ик йўк дене ойлена:  
«Йолташ улат мыланна».

**«Русская словесность»  
кружокын еҥже-влак.  
Волжский, Сотнур.**

**«Пушкин карте» дене 1 февраль гыч кинотеатрыш  
Российысе кином ончаш билетым налаш лиеш. Тидлан  
2 тўжем тенгем кучылташ йōн уло.**

## Порылык куандара

Морко районушто «Порылык эстафете» ий еда эртаралтеш. Эҥерсола школын туныктышо ден тунемшыже-влак рўж ушненна. Кўчыкэҥер селаште верланыше Н.Казаков лўмеш тоштерын пашаеҥже-шамычат кумылан лийыныт. Ме туныктышо-ветеран, йоча-шамычым, ял калыкым У ий да Шорыкйол пайрем дене саламленна (снимкыште). Поро паша кажнын кумылжым нōлтен.

**Кирилл НИКОЛАЕВ, Виктория  
КРАСНОВА.**

Фотом школ архив гыч налме.




## Арын школан – 150 ий



1872 ий 10 январьште Морко район Арин селаште кок классан училищым почыныт. 1919 ийыште икымше ступенян школышко савыреныт, 1921 ийыште – школ-интернатыш. Вара шымияш школ семын пашам ыштен. Кодшо курымын 20-шо ийлаштыже Арин школ мариий тўвырам виандымаште кугу пашам шуктен. Тунамсе директор, серызе Тыныш Осып сай тўналтышым ыштен. 1934 ийыште кыдалаш школ лийын. 1954 ийыште Кожлаер школым Арынышке кусарымеке, у йыжын тўналын.

Арын школым 25 ий утла Евгений Иванович Семёнов вуйлата. 73 тунемшылан 14 туныктышо шинчы-машым пуа. Школ пелен йочасад уло. Тушко 19 йоча коштеш.



➔ 1923-1927 ийлаште С.Чавайн пашам ыштен.

➔ Серызе Н.Мухин, семмастар М.Степанов ятыр ий тыршенит.

➔ Арин школышто серызе-влак С.Николаев, Я.Элексейн, О.Ипай, В.Крылов, Ю.Галютин, В.Осипов-Ярча, артистке А.Тихонова, профессор-шамыч С.Н.Ласточкин, Г.Е.Шкалина, историй шанче кандидат О.Н.Тихонов да ятыр молат тунемыныт.



Арын школышто спортлан кугу тўткышым ойырат. Негызым Мариий Эл Республикын сулло туныктышыжо А.И.Степанов пыштен. Тудын пашажым спорт мастер В.В.Романов шуен. Кызыт С.В.Иванов (**снимкыште**) йоча-влакым спортлан шўманда. Ёдыр-рвезешамыч куштылго атлетике, ече дене тўрлө спартакиадыште, тагасымаште ви-йыштым тергат да сенгышыш лектыт. Ёмаште школын командыже «Пионерская правда» газетын призше верч республикын чапшым Российыште арален. Туныктышо коллективат спортлан шўман. Сенгымашыже ятыр.

Школын кокымшо пачашыштыже тоштер верланен. Тўналтышым самодетельный композитор, музыкым туныктышо М.С.Степанов ыштен. Вара ты сомылым историйым туныктышо Э.В.Тихонова шуен. Кызыт тоштерым историйым туныктышо Ж.И.Иванова вуйлата. Йоча-влак шочмо-кушмо верыштым шымлат, проектым возат да конференций ден конкурслашке ушнат.

**Мариий йылмым да литературым туныктышо Ю.А.СЕМЁНОВА ямдылен.**

### Тазалык эн шерге

Спорт дене кылым кучет – тазалыкет пентгыде лишеш. Ме изирак классла гычак спортлан шўман кушкына. Шыжым да шошым писын куржталына, телым ече ўмбаке шогалына. 4-ше класс гыч Дима Александров, 3-шо классыште тунемше-влак Лиза ден Нина Яковлевамыт районышто чўчкыдын сенгышыш лектыт.

**Иван МИХАЙЛОВ.**

### «Сескемыш» коштына

Школыштына ятыр кружок пашам ышта. 4-ше классыште тунемше-влак (**снимкыште**) «Сескем» кружокыш коштына. Тудым О.А.Васильева вўда. «Ямде лий» газетым, «Кече» журналым шергалына. Изирак заметкым, йомакым возаш, почеламутым сылнын лудаш тунемына. Шочмо кундеммысе вершорым шымлена. Лўмлө ег-шамыч да нунын пашашт дене палыме лийына.

**Максим АЛЕКСЕЕВ.**

### Йоратыме урок

Физкультур, технологий, математике уроклаш куанен коштам. Технологий урокышто кагаз гыч тўрлө модышым ышташ тунемына. У ий пайремлан школым сўрастараш тўрлө тўсан шинчырым ямдыленна. Математике урокышто йолташем-влак дене ўчашен шотлена. Физкультурым поснак йоратем. Мый ончылно лияш тыршем.

**Егор КОЛЬЦОВ.**



Фото-влакым школ архив гыч налме.

Фотом еш архив гыч налме.



## Эрвел шүдыр

Мурызо Сергей Байназовым кө Могеш пале?! Тудын мурыжым колмеке, кушташ лекде, нигө ок чыте. Ачажым ончен, Эрвина үдыржө (**снимкыште**) мурылан да куштгымашлан шүман кушкеш. Марий лүман үдыр Башкортостан Республикасые Бирск олесе 9-ше номеран школын 4-ше классыштыже шинчымашым пога. Тыгак музыкальный школышто кушташ тунемеш.

– Эрвина йочасадыштак мураш туйгалын, но кушташ утларак йората. Константин Зайнетдиновын репертуарже гыч «Икымше сентябрь» мурым икымше гана йонгалтарен, – оила Сергей Александрович.

Эрвинам «Канде кава» группын концертлаштыже чүчкыдын ужаш лиш. Ачаж дене дуэт денат мурат. Эрвина мастарлыкшым конкурслаште терга. «Дритта-та» муро дене «Онгыр йүк» районысо конкурсышто 2-шо верым налын, «Шанс» тўнямбал конкурсышто «Икымше сентябрь» муро дене – кумшым.

**Х.АЛЕКСАНДРОВА.**

## Огай пайрем

Кугу Соказа тўвыра пўртыштө Шорыкйолым пайремлышна. Йоча-влак кугезе коча-коваштын йўлаштым палышт манын, пайрем нерген каласкалышна, «Шыгыле» модыш дене модна. Удыр-рвезе-шамычлан портышкем дене мужедмаш пеш келшен. Вара, имне терыш шинчын, ял мучко калыкым саламлен куда-лыштна. Шорыкйол – марий калыкын ик эн йоратыме пайремже, манын шонем.

**С.А.ЯНЫШЕВ.**

Пошкырт, Мишкан район.

**М** Сыйыр – мыскара.

## Эн шерге

Ава шке икшывыже верч тулыш, вўдыш пура. Мыйынат авам, Альбина Саптаровна, тыгаяк. Тудо йочасадыште пашам ышта. Ныл икшывыжым: Настя ден Маша акам-влакым, Коля изамым да мыйым – чот йората. Кастене авай дене пырля книгаг лудына. Мылам авам эн шерге.

**Арслан ТАРАСОВ.**

Татарстан, Мамадыш, Кугу Шия.

## Шонанпыл тўсан

Буймо тўвыра пўртыштө «Марий тўвырын моторлыкшо» мероприятий эртаралтын. Тушко верысе да пошкудо ялла-се ансамбль-влак ушненыт. Ме марий калыкын ожнысо илышыже, йўлаже нерген шуко ум пален налынна. Вургемнаже тўрлө тўс дене волгалтын. Чылт шонанпылла койын! Ме, самырык-влак, сылне марий тўвырым чиена гын, тудын ўмыржө кужу лиш.

### Синквейн

Ялем

Шочмо, шерге.

Кушкеш, тўзлана, чаплана.

Мыланна моткочак лишыл.

Поянлыкна!

**Марк БЕДЕРОВ.**

Татарстан, Агрыз, Кадрек.

**Ксения МИЛЯЕВА.**

Татарстан, Агрыз район.

**М** Мутерым филологий шанче кандидат А.А.ИЛИЕВА ямдылаш полшен.

Поч тўрзатым мўндыр тос!



## Марий улам

Марий улам, марла шонем, Марла ег дене мутланем, Эре марла конча оем. Ош калыкем ден кугешнем.

Мемнан коклаште –  
руш, татар,  
Ме илена келшен чылан.  
Чылт улына ик мўкшотар,  
Ик еш гай  
шочмо Российнан.

Марий кундем –  
авамландем,  
Эн сылне, лишыл,  
эн чевер.

Авамла тыйым йоратем,  
Уке тетла тыгае вер.  
**Марианна ЯНДУБАЕВА.**  
Пошкырт, Мишкан, Тымбай.

**М** Пима – портышкем.

Снимкыште ожнысо эрвелмарий вургемым чийше Елена Ишмановам ужыда. Тудо Татарстан Республик Агрыз район Кадрек школын 3-шо классыштыже тунемеш. Тўрлө конкурсышко кумылын ушна, келге шинчымашым налшаш верч тырша.



Фотом еш архив гыч налме.



**Ныл йолан йолташна**

# Изи, да ўшанле польшкалыше

Ныл йолан йолташым изинек йӱратыше, польшым пуышо, эмлыше, туткар гыч утарыше йоча-влак, кушкын шумекыштат, ты сомыл деч огыт коранг. Теве Йошкар-Оласе 14-ше номеран гимназийын кокымшо классыштыже тунемше Варвара Абатина (снимкыште) ветеринар але эколог лияш шона. Тудо Оршанке районысо «Динка» приютышко кажне шуматкечын вашка.

– Приютыш пий-влакым ончаш полшаш кошташ кумылан улмыж нерген ойлымекыже, изиш тургыжланенам. Варя изи, пийшамыч тӱрлӧ улыт, лӱдык-тен кертывт, шоненам. Икана миен толмекше, куан дене темше шинчажым ужмеке, чыла лӱдмаш иканаште шулен. Пийым, пырысым йӱратымаш поро пашалан, мутым кучаш туныкта, – ойла Варян аваже Наталья Абатина.

Варя волонтер-влак дене пырля приютыш ик ий утла коштеш. Пий-шамычым пук-

ша, уремыш луктеш, пинеге-влак дене модеш. Кандаш ияш зооволонтер озадыме, суртдымо пий, пырыс-влак-лан польш кидым шуялташ кеч-кунам ямде. Тиде пашалан пырля тунемше йолташыже-влакым кумыланда.

– Пальмем-влак коклаште ныл йолан йолташым йӱратыше-шамыч шукын улыт. Палем, нуно нигунам осалым огыт ыште. А озадыме, суртдымо пийлан, пырыслан приют-шамыч утларак лийыт гын, эше сайрак ыле, – ойла Варя.

**Е.ИВАНОВА.**

**Фотом еш архив гыч налме.**



## Кум пырыс

Мемнан кум пырыс уло. Василий воктенем шинчаш йӱрата, а кастене Костик шольым дене мала. Шейла мыйым школыш ужата, йӱдым пеленем верлана. Василиса кечыгут модын кертеш, авам пелен малаш возеш. Мый нуным йӱратем.

**У Торьял, Кузнеч.**

**Вероника МАМАЕВА.**



## Степка

Мыйын Степка пырыс-игем уло. Тудо вич тылзаш. Степка сур тӱсан, уچار шинчан. Ик верыште шып шинчен ок мошто, модаш моткоч йӱрата. Яра жапым коктын эртарена: Степкам модыктем. Мый тудым чаманем.

**Алиса РЫБАКОВА.**

**21-ше номеран Семёновко школ.**



Морко район Коркатово лицей пеленысе «Лицеисты добра» волонтер отряд «Изи йолташ-влак-лан – кугу польш» акцияым эртарен. Тушко активист-шамыч (снимкыште) да нунын ача-авашт ушненыт. Ёдыр-рвезе-влак Йошкар-Оласе «Успех» приютышто илыше пий ден пырыс-влак-лан кочкышым погеныт.



**В.СМИРНОВ.**  
**Л.АНИСИМОВАН фотожо.**

## Судоку



**Имне йолышто шырча лиеш – йӱштылан.**

**Калык пале.**

17 январь — Кумыл нөлталтмаш да усталык кече.



**Өрш**  
**Күлт:**  
түрлө түсан кагаз, вашкүзө, клей, фломастер, кайыкклан шинча.

Сүретым ончен, ужаш-влакым түрлө түсан кагаз гыч пүчкедыза. Нуным клеитлыза, шинчам кельштарыза. Фломастер дене кож укшым да лум пырче-влакым сүретлыза.

*Талант лүддымө лийшаш.*  
**Валентин КОСОРТОВ.**

М. ШКЕТАН ЛҮМЕШ  
МАРИЙ КУГҮЖАНЫШ  
ДРАМЕ ТЕАТР

21/01  
18:00

РЕКЛАМА

БАВАЙ Комедий 16+

+ онлайн

23/01  
11:00

Йомак  
Кум ака-шүжар 0+

КАССЕ 8(8362) 78-13-78 SHKETAN.RU

Лум мөчөр эмлыверыш толын.

— Доктор, мыйын нерел катлен. Мый колем?

— Ит ойгыро, уке!

Весым пижыктена.

## Уста йолташем

Йолташ үдырем — Аня Ерофеева (снимкыште). Тудо 5-ше классыште шинчымашым пога. Кидпашалан мастар. Кидше лывырге, шөртнө. Аня пушкыдо пластилин гыч түрлө янлыкым ненча. Шукерте огыл, вичкыж күртнывоштырым тодыштын, скорпионым ыштен. 5-6-шо класслаште тунемше



үдыр-влакклан мастер-классым эртарен. Аня сүретлашат мастар. Сүретше-влакым ончен, йомак туняшке логалметла чучеш. Уста йолташ үдырем дене кугешнем.

**Юля ЯГОДАРОВА.**

Советский, Кельмаксола.

## Школ дене кылдалтше лум мут-влакым палыза:

йышт + Вел + уа =  
тиДе + рок + р =  
вик + еш + ы =  
стс + акла + сер + М =  
Йылме + чын + ш + а =  
Олма + епи + и + д =  
**«Русская словесность»**  
кружокын енге-влак.  
**Волжский, Сотнур.**

**Палаш онгай** XVI-XVII курымлаште Россияште портышкемым йөраш тунгалыныт.

Ожно портышкем пеш шергакан лийын. Поян-влак веле чиеныт.

Россияште портышкемлан пөлеклалтше ныл тоштер уло.

Санкт-Петербургышто портышкемлан 6 метран памятникым шогалтыме.

Медведево район Руэм школын 6-шо «Б» классышке тунемше-влак возат.

## У ий шарнымаш

Анастасия ТУКМАКОВА, Виктория МОЧАЛОВА, Елена РОМАНОВА, Дарья ИВАНОВА, Ксения ДЕРБЕНЁВА, Дима ВАСИЛЬЕВ У ий кожым сорастарымышт, аваштлан пайрем үстелым погаш полшымышт нерген сереныт. «У ий пайрем мыланна чот келшен: Йүштө кугыза чонлан келшыше пөлекым кучыктен. Курык гыч издер дене шер теммеш мунчалтенна», — увертареныт Алла ден Дина КОМЕТОВА-МЫТ. «У ийлан черле лийынам, сандене кумылем волен. Шорыкйоллан рүдоласе кугу кожым ончаш миенан», — возен Дарья АЛЕКСАНДРОВА. Ангелина БОДРОВАЛАН тувыра пörтыштө эртарыме У ий пайрем сай шарнымашым коден. «Мый ук конкурсышто сегыше лийынам, пөлекым пуэныт. Чот куаненан», — серен Ангелина.



«Ямде лий» газет  
Тун редактор  
Л.Н.ГРИГОРЬЕВА.  
Индекс: П4696.  
Тираж 1550 экз. Заказ  
Формат — А-4-8.  
[https://vk.com/yamde\\_lii](https://vk.com/yamde_lii)  
<https://ok.ru/yamdelii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влакклан)  
Сайтын адресше: [yamdelii.ru](http://yamdelii.ru)

**УЧРЕДИТЕЛЬ-ВЛАК:** Марий Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийышке регистрироватлыме.  
Номер — ПИ № ТУ52-01335,  
2021 ий 29 сентябрьыште пуымо.

0+

Печатьыш пуымо жап —  
14-00,  
фактически — 13-00

Авторын да редакцийын шонымышт түрлө лийын кертыт. Серыш-влак мөнгеш огыт колталт.  
Ак — кутырен келшыме почеш.

Редакцийын да издательнын адресше:  
424006, Йошкар-Ола, СССР Вооружённый Вийын 70-ше идалькыше урем, 20-шо пöрт.  
Тел. 8(8362) 45-22-82(факс)



**Т**еле каникул. Таче пешак йүштө, кече онча. Чонем чодыраш үжеш. Мотор пүнчө воктек шогалын, ик фотом ышытыды чыте. Мый тельым моткоч йөратем.

**Родион ЯНДЕМИРОВ.**  
У Торьял школ.



**Алевтина БОГАЧЕВАН сүретше.**  
Одо кундем, Грак, Починга.

**Задаче** Пушенгыште пөрткайык-влак шинчат: икте – кокыт коклаште, кумытын – ик радамыште, икте – ончылно да кокыт – шенгелне. Чылаже мыняр пөрткайык уло?



Йошкар неран пүчым муза.

Мыняр пүчө шинчажым петьрен?

Сүретыште имне уло мо?

### Пайдале каныш

Тельым моткоч йөратем. У ий пайрем эн чот келша. Тудым ме еш дене эртаренна. Каникул жапыште курык гыч ече, ватрушко дене мунчалтенна. Тений мый коньки дене сайын мунчалташ тунемынам.

**Ани МЕЛКОНЯН.**

21-ше №-ан Семёновко школ.

Сүретлен пытарыза.



**М.Казаковын почеламутшо-влакым палыза.**

**Филворд**

Й	Ы	М	И	Ш	А	В	Н	Г	Ш	З	
Е	Р	Т	У	Н	Ы	К	Т	Ы	Ш	Е	М
Т	Д	В	О	Н	Ч	О	Ж	Ф	Ц	Я	Ю
К	П	А	В	А	Р	Ы	М	У	Д	Ф	Ы
Е	О	Ш	О	В	Щ	Д	И	Н	Е	Т	А
Ю	Э	У	Н	О	З	Ж	Ю	С	Р	О	С
Р	Т	Р	А	Р	Х	Э	Ф	Т	У	Е	К
А	Л	Н	Ы	С	А	В	Ы	Ш	Ф	Ы	Я
Т	А	Н	Ш	О	Й	Ф	П	О	Д	Ж	С

**В.СМИРНОВ** ямдылен.

Интернетысе сүрет-влакым кучылтмо.